

كيف تحمي نفسك من عقوبات الله في الكريسماس ؟! .. #محاضرة

.. د . حازم شومان

حازم شومان

العالم كله بيستعد في مصر فاحنا محتاجين الوقت ان احنا كمان نسبق الاصداس ونستعد للكريسماس ولا ايه يا شيخ ابراهيم ربنا بيارك حضرتك الله يحفظك. الله يجبرك. الله يعطيك ويعطينا جميعا العافية يا رب. الله يرزقنا العفو والعافية. فمحتاجين نستعد للكريسماس عن ابي - 00:00:01

عمران ابن حصين رضي الله عنه وارضاه. وهو صحابي آآ النبي صلى الله عليه وسلم. الذي كانت تسلم عليه الملائكة. آآ قبل موته فقال اني يسلم علي. يعني الملائكة بتسلم عليه. فلما اكتوى كان يعني ابتلي بمرض البواسير فعالجها بالكي. والنبي - 00:00:21 صلى الله عليه وسلم نهى عن الكي يقول فلما اكتويت لم آآ يعد يسلم علي. فلما تركت الكي سلم علي مرة اخرى. فيعني هو صحابي لو اتصال بملائكة الله سبحانه وتعالى وكان يسمع تسليم الملائكة عليه. عن ابي نجید عمران بن حصين قال قال رسول الله صلى الله عليه - 00:00:41

وسلم يكون في هذه الامة مسجد يكون في هذه الامة خسف ومسخ وقدف. يكون في هذه الامة يعني وسط المسلمين. وسط امة محمد عليه الصلاة والسلام. عقوبات عامة على الذنب يكون في هذه الامة آآ خسف ومسخ وقدف. فقال رجل من المسلمين - 00:01:01

ومتنى ذاك يا رسول الله؟ فقال عليه الصلاة والسلام اذا ظهرت مش اذا حدثت اذا ظهرت يعني بقت المنكرات ظاهرة في الدنيا ما فيش حد بينكر منكر وما فيش حد بيقول حرام وحلال وما فيش حد بيذعن الى الله - 00:01:25 اذا ظهرت القينات اللي هم المغنيات والراقصات وكده المغنيات اذا ظهرت القينات والمعازف وشرب الخمور. الحديث صحيحه الشيخ الالباني رحمة الله عن النبي صلى الله عليه وسلم. وفي رواية ان السيدة عائشة سالت النبي صلى الله عليه وسلم فقالت يا رسول الله - 00:01:41 -

لما سمعت هذا الكلام انهلك وفينا الصالحون؟ مش وفينا المصلحون. يبقى الذي ينجو من العقوبات العامة للمعاصي مش الصالح انما المصلح حينما تننزل عقوبة عامة لما المعاصي بتظهر ويتنتشر وبتبقى عينك وبتبقى في الشوارع والناس شايهاها والناس ساكتة واللي عارف - 00:02:01

ان ده حرام ساكت ولا ينكر المنكر. لما العقوبة العامة بتنزل بتنزل على العاصي والطائع. ولا يستثنى منها الا المصلحون. فقالت انهلك وفينا الصالحون وليس وفينا المصلحون. فقال النبي صلى الله عليه وسلم نعم اذا كثر الخبث. حديث من الاحاديس الخطيرة - 00:02:22

واللي بتبيين علامة من علامات الساعة الصغرى واللي بتبيين وعد من وعود ربنا لما بتحصل معصية من المعاصي والانسان اللي بيشرط على وعيid الله سبحانه وتعالى هو الخسران يا جماعة. اللي مش بيصدق ربنا سبحانه وتعالى هو الخسران. كل ما بتروح لربنا بدري وكل ما بتسبق كل ما بتترتاح. وكل ما - 00:02:43

تتأخر كل ما الفرصة قدامك بتقل اكتر. فالنبي عليه الصلاة والسلام يقول يكون في هذه الامة خسف. الخسف ده اللي هو زي لازم كده الخسوفات الارضية دي اول نوع من انواع العقوبات بيحصل لما المعاصي بتظهر ويتنتشر في المجتمع. المعاصي الارضية زلزال

خسوفات ارضية - 00:03:03

هي انهيارات ارضية. يبقى الاول الخسف يبقى الاول العقوبات الارضية. ومسخ للعقوبات البشرية. مسخ للبشر. المسلح هو ان البنى ادم بعد الصورة الجميلة يبقى شكله قبيح. ومش لازم قبح البني ادم يبقى قبح جسدي. ممكن يبقى القبح في النفسية. ممكن يبقى المسلح في القلوب - 00:03:23

ممكن يبقى المسلح في النفوس. ممكن تلاقي ناس قبيحة انت شايف ان آآ يعني واحدة شكلها جميل ومتمنكجة وهي في قمة القبح والعياذ بالله مسلح والعياذ بالله مسلح مشوه. انسانة ممسوحة نفسية وممسوحة البصيرة وممسوحة العقلية. يبقى المسلح للعقوبات البشرية دي الدرجة - 00:03:43

الثانية وقدف القذف يكون من السماء بقى. ودبّت العقوبات السماوية. السما اللي بتنزل علينا نور الشمس. والسما اللي المطر والسما اللي نزل منها وحي الله ونور الله. والسما اللي بيتنزل منها الملائكة بالارزاق. والسما اللي بيتنزل منها عطاءات الله - 00:04:03
فتوات الله يكون منها قدف في هذه الامة. يعني السماء تقدّف امة محمد؟ يعني يحصل قدف وتنزل عقوبات من السماء على امة محمد الله سبحانه وتعالى لا يحابي احد. سنن ربنا لا تحابي احد. ربنا ما بيجاملش حد. ربنا له سنن. لما الكافر - 00:04:23

يعملها بيتعرض لها. ولما المسلم بيعملها بيتعرض لها ربنا له سنن سواء في الرزق او في الضر وفي العقوبات فالمسلم لما يتعرض لعقوبة الله هو كمان هيتعاقب. نسأل الله العفو والعافية ونسأله ان يغفر لنا ذنبينا. وان يكفر عننا سيناثنا. نسأل الله سبحانه وتعالى ان يتوب - 00:04:43

عليها توبة يرضي بها عنا، سبحانه وتعالى، ففي عقوبات الذنب فيه حاجة اسمها العقوبات الخاصة. وفيه حاجة اسمها العقوبات العامة. العقوبات الخاصة للذنب بتحصل امتي ؟ العقوبات الخاصة للذنب زي ما روي عن النبي صلى الله عليه وسلم وصحّه بعض اهل العلم ان العبد ليحرم - 00:05:03

الرزق بالذنب يصيبه. ان العبد ليحرم الرزق. الرزق ده ممكن يكون جوازة نفسه فيها. الرزق ده ممكن يكون الجواز اصلا الرزق ده ممكن يكون ذرية. الرزق ده ممكن شهادة. الرزق ده ممكن كلية. الرزق ده ممكن. وظيفة. الرزق ده مش لازم يبقى فلوس. مش لازم ان العبد - 00:05:23

تحرم الرزق. يحرم يعني زي ما اب يحرم ابنته كده. طب ما هو هو كان جاي له. ولكن يحرم من رزق قادم له في الطريق بسبب معصية احدثها بينه وبين الله بالذنب يصيبه. دي اسمها العقوبة الخاصة. العقوبة الخاصة يعني ايه العقوبة الخاصة؟ واحد بيعصي ربنا وواحد بيعمل معاصي سر فتنزل عليه عقوبة خاصة - 00:05:42

لا يعلم احد عنها شيء هو اللي عارفها بس. هو اللي عارف الابتلاء اللي حصل في حياته بسبب الذنب. والعقوبة لا تمس غيره. امال امتي بقى يبقى في عقوبات عامة للذنب - 00:06:02

العقوبات العامة للذنب زي ما النبي عليه الصلاة والسلام قال اذا ظهرت القينات والمعاذف. ظهرت يعني ايه؟ لما المعاشي بتنتشر ويبقى المعصية عيني عين في المجتمع زي ما الله سبحانه وتعالى يقول وترى كثيرا منهم يسارعون في الائم والعدوان وترى. وترى دي بقت المعصية عيني عينك. وسكت اهل الحق - 00:06:12

وسكت اهل الدين ولم يعد هناك امر بالمعرفة ولا نهي عن المنكر. ولم يعد هناك دعوة الى الله ساعتها تتنازل العقوبات العامة للذنب والتي اشار الله سبحانه وتعالى اليها في سورة الانفال في قول الله سبحانه وتعالى واتقوا فتنة لا تصيبن الذين ظلموا منكم ايه؟ خاصة. مش هتبقى عقوبات خاصة. هتبقى - 00:06:32

عقوبات عامة على الطائع وعلى العاصي. ليه؟ ما هو ربنا بيكلم الصالحين بيقول لهم اتقوا فتنة. مش بيكلم الفجرة. ده بيقول للصالحين اتقوا فتن؟ اتقوا من عند الله لن يكون عقوبته عقوبة خاصة. لا يصيبن الذين ظلموا منكم خاصة. ليه؟ لأن الثاني سكت. لأن الثاني لم - 00:06:52

دين الله. لأن الثاني لم يدعوا الى الله ودي نقطة خطيرة جدا كما في الحديث الثابت عن النبي صلى الله عليه وسلم. آآ وهو حديث

00:07:12 قدسي قال حبيب الله -

صلى الله عليه وسلم ان الله تعالى يقول مروا بالمعروف وانهوا عن المنكر قبل ان تدعوني فلا استجيب لكم. وتنصرنون كوني فلا انصركم. وتسألوني فلا اعطيكم. حديث سابت عن النبي صلى الله عليه وسلم. ان الله تعالى يقول يعني ده حديث قدسي -

00:07:22

بالمعرفة والاحاديث القدسية هي احاديث قدسية. يعني احاديث تتعلق بمواضيع بين العبد وربه. الحديث القدسية ايه الفرق وبين الاحاديث النبوية احاديث القدسية لها سمات خاصة عن باقي الاحاديث النبوية. فيما يرويه النبي صلى الله عليه وسلم عن رب العزة. مروا بالمعروف وانهوا عن المنكر - 00:07:42

قبل ان تدعوني فلا استجيب لكم. وتنصرنون كوني فلا انصركم. وتسألون كوني فلا اعطيكم. هو فيه اشد من كده في عدم الامر 00:08:02 بالمعرفة والنها عن المنكر؟ ترك الدعوة الى الله. ترك نصرة دين الله. ترك التفكير بامر الله -

يا جماعة ده مش مش قضية سهلة كده زي الاعراض. الاعراض ده جريمة. يعني ايه الاعراض؟ فيه ناس فاكرة الاعراض يعني الكفر. اعرض فاعرض الله عنه لا الاعراض مش معناه الكفر. الاعراض معناه زي بالضبط كده ما تدي له عرض كتافك. يعني ايه انا ما عنديش وقت بس يا رب. والله انا ما بحضرش دروس لاني ما عنديش وقت. والله 00:08:22

انا ما بسمعش دروس دينية على النت لان ما عنديش وقت. والله يا رب انا ما باحفظش القرآن. اصل انا ما عنديش وقت. والله يا رب اصل انا ما باطلبش علم. اصل انا ما عنديش وقت. وانا يا رب ما بدخلش - 00:08:43

تربوية على النت. اصل انا ما عنديش وقت. وانا يا رب ما بروحش جلسات ايمانية. واصل انا ما عنديش وقت. ما عنديش وقت دى اللي الرسول سماها وربنا في القرآن سماها اعراض. فاعرضوا فارسلنا عليهم سيل العرم. فان اعرضوا فقل اندرتكم صاعقة. ده -

00:08:53

طب هو مش اعرض ده انا ما عنديش وقت. ما عنديش فالنبي عليه الصلاة والسلام الراجل اللي دخل المسجد فنظر كده فلقى الدرس زحمة قوي. والدنيا والجو حر والنبي بيقعد كل يوم يعني واللي هينقله النبي النهارده هيقوله بكرة لان النبي عليه الصلاة والسلام كان كثير المذاكرات في حقائق الدين - 00:09:13

الثابتة ومعاني الدين الأساسية النبي عليه الصلاة والسلام كان يكررها. عشان الاعراب اللي بيبيجوا والمسلمين الجدد اللي كل يوم بيبيجوا عشان المعاني الأساسية تفضل موجودة وتفضل راسخة في امور في الدين كده اسمها المذاكرات. ما ينفعش انها ما تتقاشر ليل نهار وعلى طول. فالراجل بص كده الدنيا زحمة وانا انا عايز دين من غير بهدلة - 00:09:33

سلام. انا عايز اوصل لربنا والله انا بابح ربنا بس من غير ما اتبهدل. انا لا تنفروا في الحر انا مش مش عايز انفر. انما مش عايز حر انا عايز دين مكيف. انا عايز - 00:09:53

عايز انمو وتطور وانا مرتاح من غير ما اتعب من غير مشقى من غير ما اعرق من غير ما الحر من غير انا انا مش عايز بهدلة - 00:10:03

فاهمة راجل ماشي النبي عليه الصلاة والسلام قال اعرض فاعرض الله عنه اعرض ما هو ما فيش حاجة اسمها دين من غير بهدلة. ما فيش حاجة اسمها انا هاوصل لربنا من غير ما اتعب ومن غير ما اضحي ومن غير ما اجي على وقتي ومن غير ما اجي على نومي. ومن غير مش هييفع - 00:10:13

احيان كثيرة هتضطر انك انت تيجي على نفسك وتيجي على راحتك من اجل ان تصل الى رب العرش العظيم. سبحانه وتعالى آآآ وان كان الاصل التوازن الا ان هييجي موقف كتير هتبقى تحتاج انك انت تري الله من نفسك كل خير. وفيه جرائم كده يا اخوانا في الشرع. الناس مش واحدة بالها انها جرائم زي جريمة - 00:10:28

عدم الامر بالمعروف والنها عن المنكر. امتى العقوبات العامة تنزل؟ يعني ايه العقوبات العامة؟ يبقى العقوبات الخاصة للذنب. تقتصر مين العاصي تختص العصاة. دي نازلة اهي عارفين زي النبي عليه الصلاة والسلام لما مسك الحصى كده وقام راميه والجيشان داخلين

في بعض اه والنبي عليه الصلاة والسلام قال انا - 00:10:48

الوطيس الجيшиين انما زرات الرمل والحسى تحولت الى قنابل ذكية تصيب جيش الكفار جيش آآ فقيف وهو ازن ولا تصيب جيش المسلمين رغم ان الاثنين عينيهما داخلين في بعض تيجي على عين دي وما تجيشه على عين دي بقت قنابل ذكية يبقى العقوبات الخاصة دي نازلة - 00:11:07

على ده وسايبة ده ، والاثنين جنب بعض، انما العقوبات العامة لا تصيبن الذين ظلموا منكم ايه ؟ خاصة بتعم انهلك وفيينا الصالحون؟ تعم الصالحون امال مين اللي ينجو منها المصلح يبقى الانسان الذي قام بالدعوة الى الله واجتهد في الدعوة الى الله ينجيه الله من كثير من هموم هذا - 00:11:27

زمان فلا يوجد ما يفرج الله به الكربات في هذا الزمان بالزات. ولا يوجد ما ينفس به الله عن الانسان. ولا يوجد ما يوسع الله على الانسان مثل الدعوة الى الله في هذه الايام. لأن عاد اللي شغالين في الدعوة واللي بيكلموا الناس واللي بيذكروا الناس في المواصلات في الشارع. اصحابهم اهلهم - 00:11:47

اخواتهم جيرانهم شلتهم عادي اللي بيتكلموا في الدين قلة للاسف الشديد. يقول الحبيب محمد صلى الله عليه وسلم يكون في هذه الامة مسخ ومسخ وقدف. يبقى الخسف في الارض. والمسخ في البني ادمين. والقذف - 00:12:07

السما يبقى الاول العقوبات الارضية ثم العقوبات البشرية ثم العقوبات الابيه ؟ السماوية. قالوا يا رسول قال رجل من المسلمين. مين الراجل ده؟ ما حدش عارفه. ما حدش قال اسمه ايه - 00:12:26

فممکن واحد ما نتش عارف ده مين ويكون سبب على الفاتحة على الامة كلها؟ يعني سؤال هذا الرجل اللي ما حدش عارف اسمه وممکن راوي الحديث نفسه ما هوش عارف ده - 00:12:36

اصلا ده واحد قاعد كده فقال ومتى زكا يا رسول الله؟ كان سبب خير كبير علينا لأن عرفنا معلومة اذا ظهرت القينات والمعاذف وشربت الخمور. يبقى مش لازم تبقى مشهورة عشان تخدم دين ربنا. مش لازم يبقى الناس عارفالك. انت ممکن وانت مغمور وما حدش داري بك وما حدش عارف عنك حاجة. وتعمل خدمات جليلة في الدعوة الى الله - 00:12:46

وتعمل خدمات جليلة للسلام لا يضرهم ان عمر لا يعلمهم ولكن الله ايه ؟ ولكن الله يعلمهم. فقال رجل للمسلمين ومتى ذاك يا رب رسول الله. امتى بقى ده هيحصل يا حبيب الله محمد؟ عليه الصلاة والسلام؟ فقال يبقى الرجل مش شاكله هو ما استغريش يا رسول الله خسوفات ارضية - 00:13:06

قصص سماوي ومسخ بشري يعني كلام عجيب يعني يا رسول الله يعني ايه هو بجد ده هيحصل هو فعل اه يعني هو هو ممکن ده هيحصل يا رسول الله طب يعني انت لما تسمع الرسول مسلمين الصحابة كانوا ماضيين شيك على - 00:13:26

بياض. الصحابة كانوا موقنين وده الفرق بينا وبين الصحابة. ان احنا لازم نجرب عشان نصدق. الصحابة ما كانواش بيعحتاجوا الى التجربة. فلما النبي عليه الصلاة والسلام بيقول حقيقة وبيقول المعلومة بيعاملوا معها على انها يقين. ويقين خلاص ما دام ربنا وعد يبقى يقين. ما دام ربنا توعد يبقى يقين. انما احنا لازم - 00:13:45

لازم نعصي فنتعاقب فنعرف ان المعاصي وحشة. طب ما النبي قال لك من الاول لازم آآ نطيط فيجي الاسر الدنوي للطاعة عشان نعرف ان الطاعة حلوة لازم احنا لازم نجرب. احنا بنعامل الله على التجربة. يعني لحد ما يبقى عندك خبرة بقى في معاملة الله وده بيضيع مننا اعمار كثيرة جدا - 00:14:05

التصديق يا جماعة شيء عظيم. يعني ممکن بالاحاديس اللي نقف معها بعد كده بازن الله. آآ حديث ابي هريرة رضي الله عنه وارضاه يحشر الناس على ثلاث طرائق يحشر النبي عليه الصلاة والسلام ما بيتكلمش هنا عن الحشر ليوم القيمة. بيتكلم عن اخر عالمة من علامات الساعة الكبرى. عن اخر حاجة هتحصل في الكرة الارضية - 00:14:25

من علامات الساعة وهي حشأ الحشر الارضي. يعني ايه الحشر الارضي؟ يعني فيه مية وسبعين دولة تقريبا على وجه الارض. ربنا هيجب سكان المية وسبعين دولة ان كلهم يروحوا الشام. وكلهم يتجمعوا في الشام في نهاية الزمان. بيسموه العلماء الحشر الارضي.

يعني ازاي سبعة تمانية مليار؟ يروحوا يقعدوا في سوريا والأردن وفلسطين - 00:14:45

ازاي يا حبيبي؟ العلماء آآ علماء الدنيا مش علماء الدين. قالوا ان لو عدد البشر من ايام سيدنا ادم لحد حالا وهم حوالي مية وثمانية مليار قيادا بالعد اللي يعني ايه التخميني يعني او الحدسي آآ للعلماء بتوع الدين. قال لك لو المية تمانية مليار دول راحوا سوريا - 00:15:05

توحدهم وكل واحد وقف جنب الثاني مش هياخده غير رب مساحة سوريا بس يعني واحد بالك فالشام آآ يعني فالنبي عليه الصلة والسلام قال ان في نهاية الزمان آآ الدول دي هتنهار. ما حدش هييقى في حاجة اسمها دول. كل العالم هينطلق ناحية الشام. وربنا - 00:15:25

فيقهر العالم انه يروح ناحية الشام. يعني ممكن ده يحصل؟ ها طب ما في الكورونا من سنة واحدة بس. العالم كله اتففل بقينا بنصحى من النوم. ما حدش مصدق في الشارع ما حدش متخييل اللي بيحصل ده. البشر السبعة ملياربني ادم محبوسين في بيوتهم. السبعة ملياربني ادم ما حدش عارف يخرج برة بيته - 00:15:40

هو هو ربنا قادر عشان كده الله الصمد الله الذي يغير ولا يتغير. سبحانه وتعالى اي حد بيتغير. كل حد في الحياة بتتغير انت هتتغير شئت ام ابیت. دي سنة ربنا في الحياة. انما الله الله الصمد الله الذي لا يتغير. سبحانه وتعالى. انما ظروف البشر

- 00:16:00

والاحوال السياسية والظروف الاجتماعية وانظمة الحكم والملك. وظروفك المادية واحوالك الاسرية وزروفك صحية واحوالك النفسية ما فيش حاجة سابتة كله بيتغير الا ان اوبيت الى ربك سبحانه وتعالى ووابك الله سبحانه وتعالى ايه؟ الاستقرار آآ كملكه وكل امر مستقر. يبقى آآ النبي عليه الصلة - 00:16:20

حسام بيتحدس عن لحظة قبل يوم القيمة ربنا هيوري الناس فيها على وجه الارض بروفة ليوم القيمة. الدنيا هتولع. هيحصل حرائق دولية. اللي هي النار اللي من قعر عدد اللي هي اخر علامة من علامات الساعة العشرة الكبرى. النار دي هتخرج الاول من اليمن وبعد كده تنتشر في الدول وتهبقي نار عالمية - 00:16:45

هتكتسح دول وتهتمل هجرات جماعية من البشر من دول باكملاها ناحية الشام وهذا ما يسميه العلماء الحشر الارضي لأن الله يريد ان يري الانسان قبل قيام الساعة كل ما تعب فيه في الدنيا وهو يحترق امام عينيه. الدنيا بتتحرق. حرقة بتولع في الابراج وبتولع في - 00:17:05

الدنيا وبتولع في المزارع وبتولع الحياة كلها بتتحرق. امام عين البشر. فالنبي صلى الله عليه وسلم يقول في هذه الساعة وده الشاهد اللي انا بقول لحديس يحشر الناس على ثلاث طرائق. ربنا آآ اعلم النبي عليه الصلة والسلام فقال لنا من دلوقتي يا جماعة نهاية الزمان اطلعوا على الشام - 00:17:25

ليه هتقوم حرائق وهيحصل خسف بالشرق وخسف بالمغرب وخسف بجزيرة العرب هيحصل زلزال عالمية. دي التلات علامات اللي قبل النار النهاية. هيحصل زلزال عالمية هتتغير الخريطة بتاعة الكرة الارضية. زلزال ناحية الصين وروسيا والشرق ده وزلزال ناحية الغرب وزلزال في - 00:17:44

الشرق الاوسط او في او زلزال في جزيرة العرب. يبقى التلات خسوفات دي هتحصل. وبعد كده هتطلع نار مربعة. النار دي هتبقى عالمية وہتسوق الناس الى الشمس اللي مش عايز يتbehel ده كلام النبي عليه الصلة والسلام اللي مش عايز يتbehel في نهاية الزمان ها ده الكلام ده طبعا بعد نزول عيسى بقى والمهدى وكده يطلع على الشام - 00:18:04

فالناس وقفوا قدام كلام النبي عليه الصلة والسلام. بعد المرحلة ديت تلات تلات اصناف. فواحد بيقول بنام النبي قال يبقى النبي صادق انا مصدق رسول الله صلى الله عليه وسلم - 00:18:24

اللي بيسبق بيرتاح. فالنبي قال النوع الاول يحشر الناس على ثلاثة طرائق. يعني كلهم هيروحوا الشام بس بتلات طرق مختلفة. النوع الاول راغبين راهب يعني راغب الى الله. وراهب من عذاب الله. هو عارف هو رايح لربنا برجليه. رايح لربنا بقلبه وجاي برجليه مش

جاي على وشه - 00:18:34

من بدرى بدرى مصدق فتعامل مع وعد ووعيد رسول الله على انه يقين. فطلع من بدرى فركب الطيارة وركب درجة اولى ممكן
كمان درجة آآهـى كلاس بئاعة رجال الاعمال ونزل مطار من مطارات الشام وقعد باشا. ده النوع الاولاني. طب والنوع الثاني يا رسول
الله عليه الصلاة والسلام - 00:18:54

واثنان على بغير. الله الله الله ده الدنيا قلبت فجأة بقى. ده فيه نوعية تانية اه عارف بالزبط كده اتنين طب البغير بياخد واحد يا عم
خدني معك الدنيا هيحصل فيها مصيبة - 00:19:14

وثلثة على بغير واربعة على بغير وعشرة على بغير. ايه اللي بيحصل؟ كل شوية الفرصة بتقل. الاول كان ممكن تطلع في عربية اتنين
راكبين مع بعض. شوية بقوا ثلاثة في العربية شوية بيقوا اربعة في العربية. شوية بقى فيه عشرة راكبين فوق شنطة العربية. الفرصة
قادمة تقل كل ما بتتأخر - 00:19:24

كل ما بتتأخر كل ما فرصتك بتقل. وكل ما الدنيا بتقل عليك. واخر بغير لحق حد يركب عليها عشرة على بغير. زي ما بالزبط يقولوا
الحقوا المنصورة حصل فيها زلزال آآبكرة الصبح آآ او مسلا المنصورة يحصل فيها زلزال امتى؟ مسلا آآ النهاردة ايه الخميس مسلا؟
هيحصل فيها زلزال يوم - 00:19:42

السبت اللي جاي يا جماعة الساعة تمانية بالليل فيقوم واحد يقول لك يوم السبت الساعة تمانية بالليل زلزال في المنصورة يلا يلا يلا
يا زوجتي ويلا يا عيالي نطلع ايه نركب ونروح نقدر في الساحل الشمالي ايه نقدر لنا يوم - 00:20:02
مسلا بعيد خالص عن المنصورة. فطلع باشا وركبوا عربتهم ومشيوا على الطريق. وراحوا قبل الزلزال بيومين. والتانين هو
بعد ممكן يحصل زلزال يا عم ما الدنيا زي الفل اهي. يا عم هي الناس دي يا عم هو بيقول ايه يا عم! يا عم زي لا زلزال بلا بئاع يا عم
والناس دي بتتألف. وبعد كده فجأة جت - 00:20:15

الساعة آآ آآ سبعة بالليل يوم السبت بدأت ايه؟ آآ بدأ يسمع الاي خي يعني ايه الارض بدأت ايه تزمر كده لسة مش زلزال اول فبدأت
تزكر ياد المصيبة ده باينه ايه؟ زلزال. اللي عنده عربية يطلع يجري بسرعة. طب اللي عنده عربية! الناس بتركب فوق بعض في
العربات. عشان تلحق - 00:20:35

ده النوع الثاني اثنان على بغير وثلاثة على بغير واربعة على بغير وعشرة على بغير. طب النوع الثالث؟ وتحشر بقيتهم النار ما فاقشي
ما اصحاب غير وهو بیولع ده ده ما فاقش من الغيبوبة غير وهو والع نار. والعياذ بالله. وتحشر بقيتهم النار. ده اللي بقى الارض بتتهز
يا رجالة. يا عم بطروا جنان - 00:20:55

بلا بتتهز ما بتتهز انتم هتصدقوا الكلام العجيب ده. فاللي لاحق عربية ركب لحد ما العربات خلصت. ودول واقفين وفجأة جه
الزلزال غير وهو بيتفرم تحت الانهيارات وتحت الخسف وتحت القزف وتحت الزروف اللي بتحصل. ما فيهاش تالت ده بقى بئاع
الغيبوبة ده - 00:21:18

ما فيهاش غير وهو بيتفرم. ما فاقش غير وهو بیولع. وتحشر بقيتهم النار. تبيت معهم حيث باتوا. وتقليل معهم حيث قال لو جه ريح
نص ساعة وهو بيجري على الشام النار تأكله وهو نايم - 00:21:38

او النار تبقى جنبه وهو بيريح خمس دقايق من اجل ان يقهره الله على الذهاب الى الشام. هتروح هتروح هتروح برجليك وهتروح
باشا وهتروح هايكلاس لدرجة رجال اعمال هتروح وانت ناطط فوق عربية واتنين راكبين فوقك - 00:21:53
على الطيارة زي الطيارة اللي كانت طالعة من افغانستان والناس راكبة فوقها. اللي بينزل يتفرم ما حدش بيبيص له هتروح. هتروح.
وانت والعاشر بتجرى وراك مطروح. هو ده بالزبط كده زي اللتزام. هو يلتزم الناس على سلاس طرانق. فيه واحد بيلتزم من اولها.
يا اخي ربنا قال اسر دنيوي للطاعة - 00:22:10

للعصبية وجنة ونار. يا عم بقى اتهد بقى. يا عم تب بقى واللتزم وتدين واشتغل في الدعوة. ده واحد محترم. وبيحترم نفسه فيه
واحد تاني لازم ياخد على دماغه عشان يفوق. يحصل له مشكلة يحصل له ابتلاء يحصل له ازمة مادية ازمة نفسية عشان في واحد

غيبوبة ده ما بيفوقيش غير وبيتشق نصين. ما بيفوقيش غير في سوء خاتمة. ما بيفوقيش غير في موت فجأة. ما بيفوقيش غير على عذاب القبر والملكين داخلين عليه ده ما بيفوقيش غير بمصدبة. فهو في تلات طرق طب ما كل ما تسبق كل ما ترثاح - 00:22:50 وكل ما هتتأخر كل ما فرصتك هتقل فانت لازم تصدق ربنا سبحانه وتعالى. الحديث يعني ممكن يبقى لنا وقفه معه بعد كده بازن الله ولكن الشاهد هنا ان الصحابي بيقول للنبي عليه الصلاة والسلام ومتى ذاك؟ مش هو ده معقول هيحصل؟ اه خلاص هو اذا ظهرت القينات والمعاذف وشربة الخمور - 00:23:08

المنزه اللي احنا بنشووفه في الكريسماس كل سنة اه كظهور بقى. كظهور والمنزه اللي ناس كتير قعدوا بيشووفوه في اماكن كتير من من الارض التي فيها المشهد اللي بقى منتشر الوقتي ولا يتكلم احد عن الله. عشان كده النبي عليه الصلاة والسلام قال اذا ظهرت ظهرت بقت عيني عينك. مش مش اذا - 00:23:28

فوجدت القينات. القينات طول عمرها موجودة. والمغنيات والفنانات وحفلات الغنا والاغاني المحرمة. والخمرة طول عمرها موجودة. حتى النبي عليه الصلاة والسلام في المدينة المنورة ايام النبي عليه الصلاة والسلام كان فيه خمرة. وكان ممكن يجي بناس يقام عليهم الحد في الخمرة. ما هو معنى انه اقيم عليه الحد في الخمرة - 00:23:48

ستة هجرية ولا سبعة هجرية ولا تمانية هجرية ان في خمرة اتهربت بطريقه ما طول عمر المعصية موجودة ولكن العصاة والمفسدين والفقرة اه عاملين زي الخفافيش. مستحبين جوة الكهوف. لما شمس الدعوة تغيب والدنيا تليل الخفافيش بتعمل ايه - 00:24:08

بتعمل زي الوقتي كده. ما عدش حد بيتكلم في الدعوة الا نادر. طوب الخفافيش طالعة بقى. خلاص ارتعوا بقى وفرخوا وبيضوا وانطلقوا وكلوا واشربوا وخلاص الدنيا دنيتكوا بقى. زي ما انت عايزين اظهروا المنكرات. فلا تظهر خفافيش المنكرات والمعاصي. اواعي تفتكر ان انتشار - 00:24:28

اجوري للحفلات الفاجرة في هذه الايام. والانتشار الرهيب للمعاصي والمنكرات والفحotor والعربي على دين الله سبحانه وتعالى اواعي تفتكر ان ده بسبب ان الزمان فجأة يا عم مولانا دول موجودين يا مولانا دول في الخلافة ايام عمر بن الخطاب - 00:24:48 كل دول كانوا موجودين. انما اللي حصل الوقتي ان خلاص ما عدش فيه دعوة. فالخفافيش طالعة بتفعل ما تشاء. فاذا عادت شمس الدعوة الى الله وعادت الدعوة الى الله كل دول هيدخلوا كهوفهم من غير ما انت تتكلم. من غير اي حاجة هو لوحده. الشمس بتطلع وهو بيهرب. مش مستبني ان الشمس تضرره ولا تعمل له ضرب - 00:25:08

شمس هو لوحده بيهرب منها. ما بيقدروش يعيشوا دول في عالم مني. ما بيقدروش يعيشوا في النور دول اللي هم سكان قاع السفينه. سكان البدروم بتاع السفينه زي ما النبي - 00:25:28

قال الضلعة هو ما بيقدرش يعيش غير في الحلة الضلعة. اول ما بتقوم كاسر الجدار اللي على سطح السفينه والشمس تقوم نازلة له وهو بيدور له على حلة تانية يروح فيها - 00:25:38

فاذا ظهرت القينات زي ما احنا قاعدين دلوقتي كده حفلة المغني الفلامندي وحفلة المغنية الفلامندي وحفلة مش عارف ايه حفلة ايه. والاول العربي والاول التبرج والاول الاغاني والمعاذف وآشربت الخمور. هي خطبة ابليس يا جماعة - 00:25:48 هنا خطبة واحدة عارف اما بيقول لك ضربه في سبعة وستين بخطبة ستة وخمسين هو طب ازاي ما هو قال لك هو ما لا يقرأون وذكروا لا يفهمون وازا فهموا لا يعملون وازا - 00:26:04

عمله لا يستمرون الكلمة المشهورة اللي انقالت علينا دي. هو انت انت الشيطان بيديك على راسك كل مرة بنفس الخطبة. هو ما عندوش خطبة تانية. هو عارف يقول لك آآ يا عيني خد ميت آآ ميت خبطة على آآ فجأة. يعني ايه فجأة هو الشيطان بيعمل كده؟ هي نفس الخطبة. هو ولا - 00:26:14

تبرج الجاهلية الاولى. الشيطان عمل الجاهلية الاولى ازاي؟ ازاي الارض فسدت بعد ان اصلاحها ادم؟ ازاي الارض فسدت؟ تمسل في

شكل راعي له صوت جميل في الغناء. وبقى بيعمل للناس يعني وهذا سابت. في تفسير ابن كثير. وبقى بيعمل للناس - 00:26:34

حفلة غنائية كل سنة. في السنة يعني الشيطان آآ الشيطان بيلف الصامولة كل سنة لفة. الشيطان على فكرة مش لازم يبقى مستعجل الشيطان مش آآ مش عايز يخلصها في خمس دقائق. الشيطان باله طويل قوي معك. وممكن يحط لك خطة ان في خلال عشرين سنة 00:26:52
بيهدلك. لو جا لك الموت -

فجأة خلاص بقى بيدخل لك في فتنة الممات ويحاول يشكك في العقيدة. ان هو الشيطان ده له طويل معك. فهو واحدها بالراحة. فبقى كل سنة ينزل يعمل حفلة غنائية يوم الرجاله والستات ينزلوا يوم الستات. الحلوين اللي متجوزوا رجاله دميمين يقوموا باصين على الرجاله - 00:27:10

حلوين والرجاله الوسيمين اللي متجوزين ستات ليسوا آآ بزاوية جمال يبصوا على الستات الحلوين فنظروا الى بعضهم فوق الزنا 00:27:30
فتتطور الامر الى الجاهلية الاولى. فدي آآ يعني اثر الآثار الثابتة في التفاسير عن معنى الجاهلية الاولى. يبقى الشيطان لما -
ييخربها خربوا بالغنا. خربها بحفلات الاغاني. عشان كده دايما المفسدين في الارض لما يحبوا يفسدوا شعوبهم. اول حاجة ينشروها ايه؟ حفلات الاغاني. ليه؟ لأن دي الطريقة ده ده الكو انزاينز دي منشطات التفاعل. دي اللي هتخلي التفاعل. عارفين انزيمات المعدة؟
انزيمات المعدة. المفروض حنة اللحمة تاخذ لها - 00:27:50

خمسين سنة عشان تتهضم لو من غير انزيمات. بالانزيمات بتتهضم في ساعتين. وبالزبطة كده دي انزيمات الضلال ونشر الفساد اللي هي اغاني. عشان كده النضر بن الحارث لما جه حارب النبي عليه الصلاة والسلام في مكة حاربه بايه؟ تعال بقى استورد لي بقى مغنيات حلوين كده وهات لي بقى الاغاني الفارسية وهات لي بقى واعمل لي حفلات اغاني في مكة لمبي لي شباب وبنات -

00:28:10

حد هيصل لمحمد ابن عبدالله. عشان كده الله سبحانه وتعالى قال في اول لقمان ومن الناس من. يشتري لهو الحديث بيعمل حفلات 00:28:30
غنائية عشان يلهي الناس عن الدين. فهو ما -

خطة تانية. سواء شياطين الناس او شياطين الجن. هو ما عندوش خطة تانية. عشان كده لما سيدنا سليمان ساصلح الارض واقام المحاريب واقام الدين والدعوة لما مات سليمان. الشياطين عايزه تدمر التأثير الديني اللي عمله سليمان عايزين يخربوها تاني بقى.
ربنا قال ايه؟ وتتلوا الشياطين على ملك - 00:28:40

ما تتلوا كأنه قرآن بس ده قرآن الشيطان. كثير من المفسرين قال هو الغناء. بدأوا ينشروا في مملكة سليمان الغناء والمعازف تاني لحد ما انشق مملكة سليمان بين اولاده بعد موت سليمان عليه الصلاة والسلام. فهو الشيطان ما عندوش خطة تانية. الشيطان بيدمرك بنفس الخطبة. انت بقى مستعد انك انت تاخذ على دماغك - 00:29:00

نفس الطريقة مستعد انك تتضرب في سبعة وستين بنفس ضربة ستة وخمسين مشكلتك انت بقى. القانون الرباني والقانون البشري لا يحمي المغفلين. انت عايز تختبط الشيطان الرسول عليه الصلاة والسلام حزر. يا جماعة لما المنزه ده تشوفوه يا اخواننا لما القينات والمغنيات والحفلات والبتاعات ومحلات الخمر. لما تشوفوا المنزه - 00:29:20

عنيك عينك هيجي خسف ومسخ وقف وhibeq عقوبات عامة انت مصدق راغبين راهبين اشتغل في الدعوة الى الله مش قصة انك تتجو بنفسك بس. انت راجل بقى مستني لحد ما تركب عشرة على بعيرو واتنين على بعيرو. انت حر. بس كل ما بتتأخر فرصتك بدير. انت بقى عايز تحشر - 00:29:40

النار انت عايز تفوق على مسخاوية عايز تفوق على قزفاية عايز تفوق على خسفاوية عايز تفوق على زلزال دي قصتك انت بقى فالنبي عليه الصلاة والسلام نبها واعلمنا عليه الصلاة والسلام وما ترك آآ خطرا علينا في ديننا وآخرتنا الا انبأنا به واعلم - 00:30:02
به وما هو على الغيب بضنين. النبي عليه الصلاة والسلام لم يضن باي معلومة تكشف لنا الحجب وتكشف لنا الغيوب مما اعلمه الله به سبحانه وتعالى. الفترة الجاية يا جماعة لازم كل الناس تشتغل في الدعوة. ولازم كل الناس تذكر بالله. ولازم كل الناس تفهم ان انت مش بتشتغل في الدعوة عشان تنقذ الناس. يا ابني انت بتشتغل في - 00:30:21

عشان تنقز نفسك انقاذه الناس بالدعوة ده في الايام الحلوة. انما في الايام اللي احنا فيها دي انت بتتحصن من عقوبات الله اللي بتتنزل يقينا في يعني الفساد والافساد الذي صار يضرب اراضي المسلمين الان انت بتتحصن - [00:30:41](#)
نفسك بالدعوة الى الله. انت بتدعوا الى الله عشان انت ما بتتعذب. عشان انت ما تتعاقبesh. عشان انت مش آآ ما تتعرضش ثم تسألوني فلا اعطيكم فلا يستجيب لكم و تستنصروني فلا انصركم. انت بتدعوا الى الله عشان ده اولا عشان نفسك. عشان انت محتاج الدعوة. عشان - [00:31:01](#)

معذرة الى ربكم. قبل لعلهم يتقوون. اللي هو المعدنة. الاول عشان اقول هاقابل هاودي وشي من ربنا فين يوم القيمة؟ هاقول له ايه هقول له ايه لما يقول لي انت سكت ليه ؟ يا هارون ما منعك - [00:31:21](#)

انت ازاي تشوف الناس ضاعت وانت ساكت؟ سيدنا هارون كان له حجة فهل لك حجة؟ اذا سألك الله سبحانه وتعالى ما منعك وما صرفك عن الدعوة الى الله وما شغلك عن الغضب لله سبحانه وتعالى. اللهم استعملنا ولا تستبدل بنا. اللهم استعملنا ولا تستبدل بنا. اللهم استعملنا ولا تستبدل بنا - [00:31:35](#)

الله استعملنا في الدعوة اليك. اللهم اجعلنا من يأمرن بالمعروف وينهون عن المنكر على الوجه الذي يرضيك عنا. اللهم اطلق السنننا الدعوة اليك. اللهم اشرح لنا صدورنا. وييسر لنا امورنا. واحلل عقدة من السنننا يفقه قوله قولنا - [00:31:55](#)
اهدنا واهد بنا واجعلنا سببا لمن اهتدى. رب اجعلنا هداة مهتدين. لا ضالين ولا مضللين. ولا ولا مبدلين. اللهم اهدنا واهد بنا واجعلنا سببا لمن اهتدى. اللهم استعملنا ولا تستبدل بنا. اللهم استعملنا ولا - [00:32:15](#)

الله استعملنا ولا تستبدل بنا. اللهم انك لم تطاع الا باذنك. اللهم استعملنا في الدعوة اليك. لأن اخر لحظة في اعمارنا على الوجه الذي يرضيك عنا يا رب. اللهم افتح لنا من ابواب الدعوة اليك ما ترضى به عنا - [00:32:35](#)

الله يا ربنا لا تؤاخذنا بما فعل السفهاء منا. اللهم لا تؤاخذنا بما فعل السفهاء منا. اللهم قنا واصرف وعنا شر ما قضيت. اللهم انا نسألك العفو والعافية. اللهم رد الامة الى دينك ردا جميلا. يا رب انا مغلوبون - [00:32:55](#)

انتصر ربى انا مغلوبون فانتصر. اللهم رد المسلمين الى دينك والى سنة نبيك ردا جميلا يا رب. اللهم لدینك ان يسود، واذن لشرعك ان ينتصر، واذن للدعاة اليك ان تفتح لهم الابواب. اللهم فتحك. اللهم نصرك. اللهم - [00:33:15](#)

فمددك. اللهم اجعل لنا ودا وايدنا بروح منك يا ارحم الراحمين. سبحانهك اللهم وبحمدك. اشهد ان لا اله الا انت استغفرك واتوب اليك - [00:33:35](#)